

**Ufficio Stampa della Provincia autonoma di Trento**

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

**COMUNICATO n. 10 del 02/01/2025**

**Zbisnen in näüng sachandarn vürgelekk, mindar baitom zbisnen in geschèft un hãm mångl mindrar minimàl platz vor berda auzgitt z'èzza un zo trinkha**

## **Naüge kritèrdje zoa auzohalta di bichtschaft afte pèrng**

**[Cimbro] Pinn zil auzohalta di geschèft von lentar un zoa azta di laüt nèt gian vort von lentar vort bait vodar statt, da provintziàl Djunta hatt ågenump näüge bichtege kritèrdje zuarzogeba schütz boda mang helvan auzolega bichschattege ativité un dena zo machase stian vor lãnga zait in di lentar von pèrng.**

**“Pitt disan näüng kritèrdje böllbar gèm zuar in meararne laüt zo maga hãm an schütz asó gloabar zo giana inkéng in sèll boda hãm mångl di kamöüschaftn von pèrng, bar bizzan ke in dise lentar di bichschattege ativité hãm nèt lai an hãndl vèrt ma 'z soinz plètz boda di laüt mangse vennen un, azta soinz offe di geschèft iz iantrar azta dise laüt stian zo leba in di lentar un gian nèt vort – dise soinz di börtar von provintzial asesór vor in hãndl Roberto Failoni – gem zuar zo haba destrat di schütz un schupfan zo tüana offe odar zo halta offe di geschèft billz soinz gemuant pezzarn di qualitét von lem un darhaltn in sotzial un bichschattege stoff von üsarn teldar”.**

Zbisnen in näüng sachandarn inngévüart vodar delibera ågenump atz 23 von kristmãnat vodar provintziàl Djunta gedenkma ke 'z izta khent gemindart da minimàl baitom zbisnen in a geschèft un daz åndar, von drai kilòmetre azpe 'z iz gest sin häüt, izze khent getrakk atz zboa, asó hãmda rècht zo haba di schütz di sèlln geschèft boda sin häüt hãmzan nèt gehatt rècht o, un ditza gitt zuar zo haba a fòlkraana nètzh geschèft in di lentar, darzuar izta khent gemindart dar minimàl platz vor berda auzgitt z'èzza un zo trinkha boda iz pasàrt vo 50 atz 40 mètre quadre, 'z zil iz daz sèll zo halta offe di khlumman birthaüsar o, darzuar izta khent vorenump dar verbot affezotüana geschèft in di stòregen plètz darkhennt von Kamöündar.

Di näüng kritèrdje bartn gian in vigór von earst von hoachnach 2025 vor di normàln geschèft, anvétze vor bazta ågeat da minimàl baitom vor di geschèft SIEG (servizi di interesse economico generale) lai von djar 2026.

**Übarsetzt von Schaltarle vor di zung von Toalkamou vodar Zimbar Hoachebene**

(cdt)